

## QVÆSTIO MEDICA MATVTINIS DISPVATIONIBVS

DISCVTIENDA, IN SCHOLIS MEDICORVM PARISIENSIVM, DIE IOVIS 14. MENSIS

NOVEMBRIS, MAGISTRO FRANCISCO L'ESPICIER DOCTORE MEDICO, PRÆSIDE SAPIENTISSIMO.

*An Puerpera pleuritica sectio basilica?*

ATVRA corpus humanum effingendo formavit venas, quibus tanquam tubis ab vno fonte deductis, excellentissimum illud providentiæ suæ opus fecundaretur. Illarum quædam per corporis superficiem apparent, vt, dum sanum est, partes necesse illud dulcissimum contrariis à se inuicem contemperatis compositum ad sui nutritionem attrahant: dum ægrum, iis reſeratis à grauissimis vindicentur morbis. Hoc præstat sanguinis missio, omnium auxiliorum optimum & efficacissimum, quæ naturam humorum quantitate vel qualitate oppressam, citò, tutò, & iucundè recreat & releuat: hinc pro vario medici scopo, variè secantur venæ; melius tamen maiores quàm minores, & quidem nullà, si fieri potest, ciborum vel potus factâ prælibatione.



N ILLA adminiſtranda, nulla tempeſtatis, ætatis, sexus, temperamenti haberi debet ratio, nec quoque grauiditatis, imo omnibus, morbo id postulante, viribusque non reclamantibus, est maximè utilis, puerperis præcipuè, quibus, intra puerperii metas (extenditur autem illius spatium ad trigessimum diem, si mulier masculum, ad quadagesimum verò secundum, si foemellam pepererit) morbus aliquis propter lochiorum suppressionem, acciderit. Cæteris etiam mulieribus, siue nuptæ sint, siue innuptæ, siue grauidæ siue non, non parua impendent mala ob mensium suppressionem, sed multò grauiora propter feminis corrupti retentionem; habent tamen sua illarum quædam, habent & communia, quibus omnibus competit phlebotomia.



ORVM OMNIUM veras est scaturigo, hinc videlicet sursum repit deorsumque fluit causa illorum, quæ varijs partibus communicata variâ infert symptomata. Cerebrum sæpius in mali trahitur consortium, inde conuulsio, tremor, paralyſis, caros, melancholia, mania, sensuum denique omnium tam internorum quàm externorum deprauatio. Si partibus thoracicis incumbat, aſſert cordis palpitacionem, leipothymiam, syncopen, difficilem respirationem, suffocationem, pleuritidem, peripneumoniam. Si iecur hæc lues impetat, præua fiet sanguificatio, unde cacochymia, iecoris ipsius obſtructiones, in toto cachexia, fædi colores (à præua partium diathesi curatù difficile) in quibusdam partibus tumores œdematosi, scirrholi, cancroſi qui insanabiles.



INTER HOS affectus vera pleuritis est puerperis valdè periculosa, præsertim si liuido, nigro, foetido, impermixto apparente sputo, vel nullo, delirium, vigilæ, peripneumonia, alui fluxus superuenierint. Illa numero acutorum nunquam febre carentium ascripta, suis se prodit signis, lateris dolore punctorio, tussis, febri continua, respirationis difficultate, pulsu duro, sed non semper ferratili. Illius causa refertur accepta lochiis, propter aeris frigidi accessum, potum aquæ intempestiū, aliquod animi pathema, vel sanguinis abundantiam & viarum angustiam ad pleuram reptantibus; quæ quidem vt à mensuris differunt, sic à sanguine distinguuntur, & iure tot maleficiorum accusantur.



DEIVSMODI pleuritidis curationem foris & cathartica initio morbi, toto verò illius decursu repellentia vehementer cauenda. Conuenient tamen litus ex oleis aliisque rebus moderatè calidis. Humorem affluentem clysteres purgantes inieci, cucurbitulæ feminibus applicatæ, ligaturæ frictionesque infernis partibus factæ prohibent. Crudum pleuræ impactum siue tenuis sit, siue crassius ad anacatharſin digerit variis bechicorum vsus. Iamiam verò appellentem retrahit missio sanguinis sæpius etiam eodem die repetita. Verum vt est summum pleuriticis omnibus remedium; sic in puerperis diligenter cauendum quâ parte fiat. Saphenæ quidem sectio reuellit, sed à parte non nisi post largam sanguinis missionem (quæ vires deiecit) euacuat. Cum autem basilicæ dolentis lateris sectio humores iamiam appellentes retrahat, & impactos minore virium dispendio vacuet, melius tundetur.

*Ergo puerpera pleuritica sectio basilica.*

Asserebat LVTETIÆ MICHAEL FRANCIER Compediensis, anno Domini 1615.

## DOMINI DOCTORES DISPVATVRI.

M. Gabriel Biart  
M. Ioannes Desgoris  
M. Renatus Charrier

M. Franciscus Placet  
M. Andreus du Chemin  
M. Georgius Arbault

M. Nicolaus Pietre  
M. Iacobus Cousinor  
M. Petrus Seguin, P. Regius.

